

30/06/1999

11 pemenang kongsi hadiah

KUALA LUMPUR, Selasa - Sebelas orang memenangi pertandingan Nation Race siri kelima anjuran Berita Harian Sdn Bhd (BHSB) dan TV3 untuk berkongsi hadiah mingguan sebanyak RM10,000.

Enam daripada mereka hadir di Balai Berita di sini hari ini, untuk menerima RM909.09 setiap seorang.

Keenam-enam pemenang itu adalah Madihah Abdullah dari (Selangor), Michele Siew (Selangor), Khairul Azmir Awang (Pahang), Azli Shah Abdul Manan (Kuala Lumpur), Safiah Jaafar (Selangor) dan Mahathir Mohd Rawi (Selangor).

Hadiah disampaikan oleh Penolong Pengarang Kanan BHSB, Mior Kamarul Shahid. Turut hadir Pengurus Besar Kanan Pengedaran The New Straits Times Press (M) Berhad (NSTP), Wan Razif Wan Musa; Pengarah Rancangan Nation Race, Khalid Ahmad dan pengacara Nation Race, Shamsul Azhar.

Sementara itu, lima lagi pemenang yang tidak hadir ialah Zahari Sulaiman dari Pahang, Mohd Rizal Abdul Samad (Johor), Gan Pooi Chan (Selangor), Suriati Othman (Pahang) dan Mashahuddin Jali (Perak).

Pertandingan Nation Race bermula 26 Mei lalu, memerlukan peserta menonton rancangan Nation Race yang disiarkan di TV3 setiap Rabu mulai jam 9 malam hingga 9.30 malam. Borang penyertaan dilampirkan bersama Berita Harian setiap Rabu.

(END)